

**Kha 踏台灣地、頭戴世界天 向世界發聲、台灣 chiah 會出頭天!**

## 2025 第 26 屆世界台語文化營&台灣越南兩國文化交流團 簡章

- ◎ **主辦單位**：台越文化協會・台灣羅馬字協會・台文筆會・發枝台語基金會・國立成功大學越南研究中心
  - ◎ **活動目的**：促進台灣 hām 越南之間 ê 文學 kap 文化交流，進一步深化台越 ê 民間外交、拓展台灣 tī 國際上 ê 知名度。
  - ◎ **活動主題**：越南抗中保越 ê 歷史之旅
  - ◎ **活動內容**：預定交流單位 kap 參觀景點包含越南作家協會、越南社科院、還劍湖<sup>1</sup>、歷史博物館<sup>2</sup>、阮惠紀念公園<sup>3</sup>、古羅城<sup>4</sup>、華閩古都<sup>5</sup>、陸龍灣、南定省陳興道大王祠<sup>6</sup>、陳廟<sup>7</sup>等。詳細具體行程 tī 行前 koh 通知。
  - ◎ **活動日期**：2025 年 8 月 11 (拜一) ~ 8 月 16 (拜六)，6 工 5 暝。暫定 8/11 早出發，8/16 暗頭轉來台灣。
  - ◎ **招收對象**：
    1. 主辦單位會員(優先) kap 親友。
    2. 滿 18 歲以上、會使照顧家己，對文化交流有興趣，想 beh 替台灣做國民外交 ê 民眾。
  - ◎ **招收團員人數**：上限 30 名，先報先贏，報 tī 為止。滿 10 人 chiah 出團。
  - ◎ **活動網址**：上新活動消息，請上台越協會網頁 <https://taioat.de-han.org>
  - ◎ **報名方式**：網路填寫報名表 <https://forms.gle/MR4Vqw2949pQ56Lu7>。
  - ◎ **報名日期**：Chit-má 開始，5/31 cháh 止，若名額 tī 提早結束。
- 若有問題，請聯絡 Tel: 06-2089803, email: [taibunpithoe@gmail.com](mailto:taibunpithoe@gmail.com)。

(主辦單位有審查 ê 權利，審查了後會通知錄取 ê 人交費用 kap 資料)

- ◎ **費用**：訂金每人新台幣 5,000 箍，報名 ê 時 ài 納(若取消報名，無退費)。團費會員新台幣 38,000 箍，非會員 42,000 箍 (ē-tàng 扣掉訂金 5,000)。團費包含國際機票、部分餐費、住宿費用、越南團體交通費、參觀門票、200 萬旅遊險、3 萬醫療險 kap 行政費用等。無含國內機場接送、越南簽證費、護照費、小費 kap 個人消費。Beh 一人住一間房 ê，請每人加 8,000 箍。

**劃撥口座：31585067 戶名：社團法人台越文化協會費用**

主辦單位通知錄取了後，請行期限內繳納全部團費。

**退費標準：(歇熱是台越航線 ê 旺季，請考慮清楚 chiah 報名，khah bē 時到 beh 取消報名造成困擾!)**

1. 機票開票了後無法度退機票 ê 費用。(優先條款; 預定 6 月初訂機票)
2. 房間訂 soah 無法度退費。(優先條款)
3. 若 6 月初 1 進前取消報名 ê 人，退 75%
4. 若 7 月初 1 進前取消報名 ê 人，退 30%
5. 若 8 月 1 進前申請取消 ê 人，退 10%
6. 實際活動開始了後一律無退費!

若是報名人數不足，主辦單位主動取消活動 tiòh 全部退還!

### ★注意事項：

1. 本團是文化交流團，毋是一般 ê 旅遊團，所以存心“單純旅遊”抑是“抱著相親心態” ê 人請毋通報名。

<sup>1</sup> 越南黎利皇帝 phah 敗大明國軍隊 liáu kā 神劍還 hō 神龜 ê 傳說所在。

<sup>2</sup> 歷史博物館裡面有展示蔣介石 bat tī 二戰 liáu 派軍佔領越南 ê 資料。

<sup>3</sup> 阮惠成功抵抗清國乾隆皇帝派二十萬大軍入侵，成功逼乾隆承認阮惠是越南 ê 新統治者。

<sup>4</sup> 古羅城是大約二千冬前越南安陽王為 tiòh 對抗來自中國趙佗 ê 侵略所建立 ê 城堡。

<sup>5</sup> 華閩古都 óa tī 陸龍灣(寧平省長安、三谷文化旅遊區)，是越南大瞿越時期(約一千年前) ê 首都。

<sup>6</sup> 陳興道是越南陳朝時期 phah 敗蒙古大軍 ê 大將軍。

<sup>7</sup> 陳朝(1225-1400)是越南第二個大朝代。陳朝主要對抗蒙古軍入侵，確保越南獨立。

2. 為避免中國大使館對咱 beh 拜訪 ê 單位施加壓力，請逐家活動前 mài 公開咱 ê 活動消息 hām 行程！
3. Ti 越南，素食無普遍。所以，本團無保證 ē-tàng 提供素食，請諒解。
4. Hotel 以三星級為主。房間安排原則上 2 ê 人 1 間（若翁仔某做伙參加 á-sī 有特別需求 ê 請 tī 報名表註明清楚）。
5. 無護照 ê、護照到期 ê ài 家已事先先處理好勢。
6. 無越南簽證 beh 旅行社代辦者，請附二吋大頭相電子檔+新台幣 1,000（一個月單次電子簽），工作時間大約一禮拜。
7. 出發機場預定是高雄機場。若 beh ùi 桃園機場出入，ài 補差價（以實際差價為準）。

越南相關資訊：

蔣為文 2022 《[越南心適代:越南歷史文化解密](#)》台南:亞細亞國際傳播社。


越南七桃網站 <http://www.de-han.org/vietnam/travel/>

免費線上 ùi 台語學越南語 <http://ebook.de-han.org/online/>

景點相片：



陸龍灣



華閣古都



陳廟



陳興道雕像



古羅城



還劍湖



軍事歷史博物館